

KENYA JUNIOR SCHOOL EDUCATION ASSESSMENT

GREDI 9 2025



KISWAHILI KARATASI YA 2

MUDA: SAA 1 DAK 30

Jina:

Shule:

Namba Ya Tathmini:

Saini: **Tarehe:**

Maagizo kwa mwanafunzi:

1. Andika jina lako, jina la shule yako na nambari yako ya mtahini katika nafasi ulizoachiwa.
2. Soma kila swali kwa makini.
3. Mtahiniwa ahakikishe kuwa kurasa zote kwenye kijitabu hiki zimepigwa chapa.
4. Jibu maswali yote katika kijitabu hiki.
5. Nakili sahihi yako katika kiapo kilicho chini ya ukurasa huu.

JEDWALI LA ALAMA

Zoezi	Upeo	Alama za mwanafunzi
Zoezi 1: Insha	15	
Zoezi 2: Fasihi	10	
Zoezi 3: Novela/Simulizi	10	
Zoezi 4: Tamthilia	10	
Zoezi 5: Ushairi	5	
Jumla	50	

SEHEMU YA A: KUANDIKA (ALAMA 15)

Endeleza insha ifuatayo huku ukifanya iwe ya kisisimua.

Wageni walianza kufika mapema tayari kwa sherehe...

This image shows a full page of white paper with horizontal dotted lines. The lines are evenly spaced and run across the width of the page, providing a guide for handwriting or typing. There are no margins, text, or other markings on the page.

Handwriting practice area with 30 horizontal dotted lines.

ZOEZI 1: FASIHI SIMULIZI (ALAMA 10)

Soma hadithi ifuatayo kisha ujibu maswali yanayofuata.

Sungura na fisi walikuwa majirani. Walishiriki shughuli mbalimbali za kiuchumi kama vile kilimo, ufugaji wa wanyama na uuzaji wa mazao sokoni. Kati yao, sungura ndiye aliyejaliwa akili zaidi ndani ya kichwa chake kidogo. Mara kwa mara alimdhulumu mwenzake ama kwa lengo la kujifaidi au kumtia mwenzake taabani. Kila mara haya yalipofanyika, fisi alijishika sikio akajiahidi kwamba angeachana na rafiki huyo ambaye ni ndumakuwili na kutumia akili yake zaidi. Hata hivyo ahadi hizo zilibaki katika mawazo yake tu.

Siku moja, fisi na sungura walienda kuuza mazao kama ilivyokuwa ada yao. Biashara ilikuwa nzuri tangu asubuhi. Ama kweli, siku njema huonekana asubuhi. Ilipofika jioni walikuwa na vitita vya pesa. Walinunua vitu vichache na kufunga safari kurudi nyumbani.

Walipofika kwenye kichaka kikubwa, sungura alianza kuangalia nyuma kisha akamwambia mwenzake, “naomba niingie hapa nijisaidie.” Hapo alitoa kofia kubwa, kabuti na miwani mieusi. Alichukua fimbo akatokea ghafla alipokuwa fisi. Alianza kumpiga kwa fimbo huku fisi akipiga mayowe “Uui! Uui! Niche! Utaniua!”

Mwishowe sungura alichukua pesa za fisi akatoweka. Fisi ambaye alikuwa amejeruhiwa sana alichechemea hadi nyumbani. Sungura alikuja kumtembelea baada ya siku tatu. Akamwuliza, “vipi ndugu yangu? Mbona hukuningoja siku ile tukitoka sokoni?”

Fisi alimweleza sungura kuhusu mkasa wake. Hata hivyo hakukosa kujiuliza vipi sungura hakuyasikia mayowe yake. Basi hilo likawa tukio jingine la fisi kuangukia mitegoni mwa sungura.

Maswali:

- a) Hadithi hii yenye mhusika mmoja mjanja na mwingine mjinga huitwaje? (Alama 1)
.....
- b) Taja shughuli mbili za kiuchumi ambazo wahusika walishiriki katika hadithi hii. (Alama 2)
.....
.....
- c) “Ahadi hizo zilibaki katika mawazo yake tu” kifungu hiki kina maana gani? (Alama 1)
.....
- d) Taja sifa mbili za sungura kulingana na hadithi hii. (Alama 2)
(i)
(ii)

e) Huku ukitolea mifano mwafaka taja mbinu tatu za lugha zilizotumika katika hadithi hii. (Alama 3)

.....

.....

.....

f) Fafanua funzo moja linalojitokeza katika hadithi hii. (Alama 1)

.....

ZOEZI 3: NOVELA (ALAMA 10)

Soma sehemu ifuatayo ya novela kisha ujibu maswali yanayofuata.

Jumatatu ilipofika, Kemunto alitunikiwa zawadi kwa kuiletea shule yao zawadi mashindanoni. “Nyote mnafaa kumuiga Kemunto. Huyu ni msichana mwenye bidii ya mchwa. Ameifanya shule yetu kurundikiwa sifa nyingi.” Bi Omange alisema mbele ya wanafunzi wote shuleni. “Endelea na moyo huo huo. Wewe ni mfano wa kuigwa na wanafunzi wengine.”

“Wembe ni ule ule,” Kemunto alisema huku akishangiliwa na wanafunzi wenzake kwenye gwaride. “Nitahakikisha nimeshinda.”

Ushindi huo ulifungua ukurasa mpya katika kitabu cha maisha ya Kemunto. Ulipalilia azma mpya moyoni mwake. Alitaka kunawiri masomoni pia.

Hata hivyo, juhudi zake za kujikaza kisabuni masomoni hazikuzaa matunda mara moja. Lakini hakufa moyo. Alijua kwamba kuinamako ndiko kuinukako.

Alifikiri kuhusu wazazi wake. Hakuwa tayari kuwapaka tope kwa kutofaulu masomoni. Hakuwa tayari kwenda kinyume na matarajio yao.

Mbwa hafi maji aonapo ufuko. Kemunto alijizoazoa na kuendelea na shughuli zake shuleni. Kwamba wengi walimheshimu ulikuwa msukumo tosha.

Maswali:

a) Taja mandhari yanayojitokeza katika sehemu hii ya novela. (Alama 1)

.....

b) Kemunto ana mtazamo gani katika sehemu hii ya novela? (Alama 2)

.....

.....

c) Jadili suala lolote ambalo mwandishi ameliangazia katika sehemu hii ya novela. (Alama 2)

d) Andika ploti ya sehemu hii ya novela. (Alama 2)

e) Huku ukitolea mifano, taja vipengele viwili vya lugha vinavyojitokeza katika sehemu hii ya novela. (Alama 2)

f) Unajifunza nini kutokana na sifa za Kemunto katika sehemu hii ya novela? (Alama 1)

ZOEZI 4: TAMTHILIA (ALAMA 10)

Soma sehemu ifuatayo ya tamthilia kisha ujibu maswali yanayofuata.

(Mapema asubuhi nyumbani kwake Mabula)

Mabula: Mbona hivyo?

Mishi: Hamna kitu, nimeshangaa tu.

Mabula: Umeshanga ninin?

Mishi: (Kwa upole) Kumbe umekonda kama ng'onda mume wangu. Hata suti hii iliyokuwa inakuchukua vizuri sasa inakupwaya. (Kwa uchungu) Haidhuru. Hivyo walivyokutenda. Mungu atakulipa.

Mabula: (Anacheka kwa muda) Lahaula!

Mishi: Je, kuna nini?

Mabula: Kwake Dama mimi ninaona tofauti kabisa. Siku zile Dama alikuwa mtoto tunaweza kumwita softie, yaani mlegevu mlegevu hivi katika mambo mengi. Unakumbuka kuwa alikuwa hawezi kuchambua mchele? Unakumbuka? Unakumbuka alikuwa hawezi hata kuzikata kucha zake mwenyewe? Unakumbuka? Unakumbuka kuwa Dama alikuwa hata hawezi kucheza na wenzake? (Kimya) Alikuwa mvivu wa kujituma kufanya kazi. Michezo yake ilikuwa ya kompyuta. Burudani yake ilikuwa televisheni. Alikuwa mnyonge. (Kwa msisitizo) Hakuwa mbunifu. Na wewe hukutaka afanye lolote kwa kuwa ulitaka kila jambo lifanywe na yeye kwa kuwa analipwa.

Maswali:

- a) Andika sifa tatu zinazotambulisha kifungu hiki kama tamthilia. (Alama 3)
-
-
-
- b) Eleza mandhari yanayojitokeza katika sehemu hii ya tamthilia. (Alama 1)
-
- c) Bainisha matumizi mawili ya maelekezo ya jukwaa kwa kurejelea sehemu hii ya tamthilia. (Alama 2)
-
-
- d) Jadili mfano mmoja wa maudhui yanayojitokeza katika sehemu hii ya tamthilia. (Alama 2)
-
-
- e) Huku ukitolea mifano, taja tamathali mbili za lugha ambazo zinajitokeza katika sehemu hii ya tamthilia. (Alama 2)
-
-

ZOEZI 5: USHAIRI (ALAMA 5)

Soma shairi lifuatalo kisha jibu maswali yanayofuata.

Miradi tuifanyeni, mizuri na ya riziki
Kwa wengi tujifunzeni, makundi tuyahakiki
Ndege tufuge nyumbani, daima tuipe tiki
Akiba kwetu ni mali, ambayo hayataoza

Akiba kwa elimu, hii kwetu ni muhimu
Kwetu sisi ni jukumu, kwa vitabu na kalamu
Baadaye tuje jikimu, kwa hela sizo haramu
Akiba kwetu ni mali, ambayo hayataoza

Kupitia kwa sanaa, tukuze na uchoraji
Tushone kwayo miyaa, tusifute hadi jiji
Kipaji chetu ang’aa, tutunze sisi magwiji
Akiba kwetu ni mali, ambayo hayataoza

Bidii na darasani, uwe ni wetu wajibu
Tuifanye kwa makini, sawa yakewe majibu
Tuepuke na uhuni, tuwe baadaye tabibu
Akiba kwetu ni mali, ambayo hayataoza

Wosia nimeshatoa, wazazi ninagura
Tangu mpate pokea, mjitolee kwa hasara
Hakika kayapakua, msiiweke hasira
Akiba kwetu ni mali, ambayo hayataoza

Maswali:

a) Shairi la aina hii huitwaje? (Alama 1)

.....

b) Taja kibwagizo cha shairi hili. (Alama 1)

.....

c) Kina cha kati katika beti ya tatu ni kipi? (Alama 1)

.....

d) Andika mleo wa ubeti wa nne. (Alama 1)

.....

e) Shairi hili linahusu nini? (Alama 1)

.....

HUU NDIO UKURASA WA MWISHO ULIOPOIGWA CHAPA

MAJIBU YA KISWAHILI KARATASI YA 2

SEHEMU A: KUANDIKA (15 alama)

Insha:

Mtahiniwa ataandika insha ya ubunifu inayoendeleza sentensi:

“Wageni walianza kufika mapema tayari kwa sherehe…”

Sifa za insha nzuri:

- i. Mawazo yamepangwa kwa mtiririko unaoeleweka.
- ii. Matukio yenye msisimko wa sherehe.
- iii. Lugha safi na yenye mvuto.
- iv. Urefu wa kurasa 2–3.
- v. Hitimisho la kuvutia.

(Makisio ya alama: 15 kulingana na upeo wa uandishi, mtiririko, msamiati na mtindo wa mwanafunzi).

Mfano wa Insha

Wageni walianza kufika mapema tayari kwa sherehe. Tulikuwa tumetayarisha kila kitu kwa makini; mapambo ya rangi mbalimbali yalipamba ukumbi, meza zilizaa vyakula na vinywaji vya aina mbalimbali, na muziki wa taratibu ulikuwa ukichezwa taustarini. Nilihisi moyo wangu ukidunda kwa furaha kwani ilikuwa siku muhimu mno maishani mwangu—siku ya sherehe ya kutunukiwa kwa kuhitimu kidato cha tisa.

Mara ya kwanza wageni waliokuwa wakiingia walikuwa majirani na jamaa wa karibu. Harufu ya maua ya waridi iliyokuwa ikienea ndani ya ukumbi iliwaweka wageni katika hali ya furaha. Mama yangu, akiwa amevalia kitenge cha buluu kilichomeremeta, alikuwa akiwakaribisha wageni huku akitabasamu mithili ya jua la asubuhi. Baba naye hakubaki nyuma, aliwakaribisha wageni kwa mikono miwili kana kwamba ni ndugu waliokuwa wametengana kwa miaka.

Baada ya muda, wageni walizidi kumiminika kama mchwa waliopata punje ya sukari. Wageni wa heshima walifika kwa magari yao makubwa yaliyong’aa chini ya jua. Midomo ya marafiki zangu iliwaa kutundika tabasamu walipoona gari jeupe lililojaa mapambo ya baluni. Nilihisi fahari isiyo kifani.

Baada ya wageni wote kuketi, sherehe ilianza rasmi. Mwenyekiti wa kamati alisimama na kutoa hotuba ya ukaribisho. Sauti yake ilienea ukumbini kama sauti ya kengele. Baadaye nilialikwa kutoa hotuba fupi. Niliposimama, miguu yangu ilitetemeka lakini mara nikapata nguvu. Nिलieleza jinsi nilivyopitia changamoto nyingi katika masomo lakini hatimaye nikafanikisha. Wageni wote walinipigia makofi kwa furaha.

Sherehe iliendelea kwa nyimbo, ngoma na michezo ya kufurahisha. Kikundi cha kwaya kilipoanza kuimba, vicheko na shangwe vilienea. Harufu ya nyama choma na pilau vilivyopikwa kwa ustadi wa hali ya juu vilienea hewani, vikifanya kila mtu avute mate.

Saa za mchana ziliposonga, zawadi zikaanza kutolewa. Nilipokea zawadi ya saa ya dhahabu kutoka kwa wazazi wangu na vitabu vya thamani kutoka kwa walimu. Machozi ya furaha yalinitiririka usoni nilipokumbuka safari yangu ya elimu hadi siku hiyo.

Sherehe ilihitimishwa kwa dua na baraka kutoka kwa wazee. Wageni walianza kuondoka mmoja baada ya mwingine huku wakinitakia kila la heri. Nilipowaona wakiondoka, nilihisi moyo wangu umejaa shukrani. Siku hiyo ilinifundisha kwamba bidii na uvumilivu huzaa matunda, na familia ni uti wa mgongo wa mafanikio.

Kwa hakika, sherehe ile itanikaa akilini milele.

SEHEMU B (35 alama)

ZOEZI 1: FASIHI SIMULIZI (10 alama)

(a) Hekaya

(b) Ukuzaji wa mimea, ufugaji wa wanyama, uuuzaji wa mazao

sokoni

(c) Hakuacha urafiki wake na sungura wala kuanza kutumia akili

ipasavyo

(d) -Mjanja- alimdanganya Fisi

- Katili- Alimpiga Fisi kwa fimbo

- Mwenye tamaa— alimnyang'anya Fisi pesa zake japo yeye

alikuwa na zake mwenyewe

- Mnafiki —alijifanya rafiki wa Fisi

(e) - Nahau- alijishika sikio

- Sitiari- Rafiki huyo ambaye ni ndumakuwili

- Methali- Siku njema huonekana asubuhi

- Nidaa- Uuuwi! Uuuwi!

(f) Kikulacho ki nguoni mwako-sungura ndiye aliyemdhulumu fisi

licha ya kudai kuwa ni rafiki yake.

2. Novela

(a) Shuleni – Gwarideni

(b) - Mwenye bidii, maarufu - alijulikana kwa kupewa sifa

- Mwenye uwajibikaji

(c) Bidii- Kemunto alikuwa mwenye bidii masomoni.

- Ukuzaji wa vipawa- walimu walikitambua na kukikuza kwa

wenzake.

(d) Kemunto alitunukiwa sifa shuleni. Alisifiwa na mwalimu kwenye

gwaride. Ushindi huo ulimtia hamu ya kujitahidi masomoni.

Heshima aliyopewa na wenzake ilimpa msukumo wa kuendelea.

(e) Kuwa mwenye bidii.

3. TAMTHILIA

(a) - Kina maelekezo ya jukwaani

- Ujumbe unapitishwa kupitia mazungumzo

- Kinaweza kusomwa au kuigizwa

(b) Nyumbani kwa Mabula , wakati wa asubuhi

(c) - Kutambulisha mandhari

- Kuelezea matendo ya wahusika

- Kuendeleza ploti

(d) - Umuhimu wa Afya: Mishi anasema kuwa afya ndiyo muhimu

zaidi

- Mabadiliko: Maisha ya Dama yalibadilika walipoenda kuishi

madongoporomoko

(e) - Tashbihi—Umekonda kama ng’onda

- Methali—Ya kale hayanuki

- Nidaa: Lahaula!

- Urudiaji: Unakumbuka? Unakumbuka kuwa...

4. USHAIRI

(a) Tarbia

(b) Akiba kwetu ni mali, ambayo hayataoza

(c) A

(d) Tuepuke na uhuni, tuwe badaye tabibu

(e) Umuhimu wa elimu, uwajibikaji masomoni

MUHTASARI WA ALAMA

Zoezi	Alama Zilizotolewa
Insha	15
Fasihi simulizi	10
Novela	10
Tamthilia	10
Ushairi	5
Jumla	50